

ՖԻՆԱՆՍՆԵՐ

ՉՀԱՐԿԱԴՐՎՈՂ ԵՎԱԶԱԳՈՒՅՆԸ ԿՎԵՐԱԴԱՐՁՎԻ ՎԵՅՆ ԱՄՍՎԱ ԸՆԹԱՅՔՈՒՄ ՈՎԷՐ ՈՒՆԵՅՆԸ ԵՆ 1800 ԼԱՐԻՅՑ ԴԱԿԱՍ ԵԿԱՄՈՒՏ, ԵՐԱՆՑ ԿՎԵՐԱԴԱՐՁՎԻ ԱՅՆԵԱՆ, ՈՐՔԱՆ ՎՃԱՐԵԼ ԵՆ ՀԱՐԿԻ ՏԵՍՔՈՎ

Պետությունը ընթացիկ տարվա երկրորդ եւ երրորդ եռամսյակներում չհարկադրվող նվազագույնի պայմանակարգում գտնվող մարդկանց կվերադարձնի հարկային վճարումները: Ֆինանսների նախարարի տեղակալությունը այդ նպատակով բյուջեից առանձնացվել է 170 միլիոն լարի:

Չհարկադրվող նվազագույնի պայմանակարգում ընդգրկված են այն մարդիկ, ում տարեկան աշխատավարձը չի գերազանցում 6 հազար լարին: Թեպետ նրանց եկամտահարկի վերադարձումը հաշվարկվում է ոչ թե 6 հազար, այլ 1800 լարիից: Բոլոր նրանք, ովքեր ամսական ունեն 500 լարիից պակաս աշխատավարձ, 2014 թվականի ապրիլի 1-ից կստանան 1800 լարիի 20 տոկոսը (360 լարի):

Իսկ նրանք, ովքեր 2013 թվականի ընթացքում ունեցել են 1800 լարիից պակաս եկամուտ, կստանան այն նույն գումարը, որը եկամտահարկի տեսքով մուծել են պետությանը:

Վրաստանի ֆինանսների նախարար Նոդար Խադուրու հայտարարությամբ, եկամտների ծառայությունն արդեն հստակեցրել է այն բազաները, թե ում է վերադարձվելու վերոնշյալ գումարը:

«Այն մարդիկ, ում հաշվարկված էր 6 հազար լարիից պակաս աշխատավարձ, պետք է դիմեն ցանկացած կոմերցիոն բանկի եւ ներկայացնեն անձնական վկայականը: Բանկի աշխատակիցը բազայով ստուգելու է ներկայացված տեղեկատվությունը, թե որքանով է տվյալ անձը բավարարում ներկայացված պահանջներին: Բավարարման դեպքում, նրա հաշվի վրա երկրորդ եւ երրորդ եռամսյակների ընթացքում կփոխանցվի 360 լարին»,- հայտարարեց Նոդար Խադուրին:

Հիշեցնենք, որ չհարկադրվող նվազագույնի հասկացությունը ծագեց 2013 թվականին: Փորձագետները սույն որոշմանը դրական գնահատական տվեցին, թեպետ մյուս կողմից նշվում էր նաեւ, որ գերադասելի էր եկամտահարկը, ինչպես խոստացել էր նախորդ կառավարությունը, նվազեցնել մինչեւ 15 տոկոս: Իսկ իշխանությունը, եկամտահարկի նվազեցման փոխարեն, գերադասեց դիմել վերոնշյալ սկզբունքին, քանզի այն կողմնորոշված է սոցիալապես անպաշտպան խավի կողմը: Հատկանշական է նաեւ այն, որ եկամտահարկը վերադարձվում է ոչ թե կազմակերպություններին, այլ՝ անմիջականորեն աշխատողներին:

Փորձագետների հայտարարությամբ, չհարկադրվող նվազագույնի հարցը զարգացած երկրներում գործող պրակտիկա է, եւ ընդհանուր առմամբ հավասարվում է կենսական նվազագույնին: Դա այն գումարն է, որը հանվում է ֆիզիկական անձի հարկադրվող եկամտներից:

Փորձագետ Անգոր Սականդելիձեն, չհարկադրվող նվազագույնի հասկացության ներքե-

րումը դրական գնահատելով հանդերձ, գտնում է, որ շատ ավելի գերադասելի կլիներ եկամտահարկը նվազեցնել, հասցնել 15 տոկոսի:

«Բնականաբար, ողջունելի որոշում է, որից պակաս եկամուտներ ունեցող մարդիկ որոշակի արտոնություններ կստանան, թեպետ գերադասելի կլիներ եկամտահարկը հասցվել 15 տոկոսի: Ըստ իս, գերադասելի կլիներ եկամտահարկը բաժանվել եկամտի եւ սոցիալական հարկերի, այսինքն՝ 10 տոկոսը կազմեր եկամտահարկը, իսկ 10 տոկոսը՝ սոցիալական հարկը»,- հայտարարեց Անգոր Սականդելիձեն:

Նշենք, որ 2009 թվականին նախկին իշխանությունը հարկային օրենսգրքում կատարել էր հերթական փոփոխություններ, ըստ որի, 2011 թվականի համար եկամտահարկը կազմելու էր 18, իսկ 2012 թվականի համար՝ 15 տոկոս: Այն ժամանակ էլ փորձագետներն այդ որոշմանը դրական գնահատական տվեցին, թեպետ նշում էին, որ գերադասելի է եկամտահարկի տոկոսը նվազեցվելու ավելի կարճ ժամանակահատվածում: Այն ժամանակ կառավարությունը փորձագետներին խոստացավ, որ այդ հարցը կուսումնասիրի, թեպետ դրանից հետո եկամտահարկի նվազեցման ժամկետներն էլ ավելի երկարացվեցին:

2011 թվականին վերոնշյալ օրենքը նոր տարբերակով մշակվեց, ըստ որի, մինչեւ 2013 թվականը եկամտահարկը մնալու էր 20 տոկոսի շրջանակներում, 2013 թվականի հունվարի 1-ից մինչեւ 2014 թվականի հունվարի 1-ը եկամտահարկը նվազեցվելու էր, թեպետ 15 տոկոսանոց եկամտահարկը նախատեսված էր ներդնել 2014 թվականից հետո: Այսինքն՝ այն ժամանակ էլ եկամտահարկի չափերի եւ ժամկետների մասին կոնկրետ որոշման չհանգեցին: Ավելին, ըստ նոր օրենսգրքի, եկամտահարկի մեծությունը գրանցների եւ հանրային վարձից ստացված եկամուտների հաշվարկով, ընդհակառակը, ավելացավ եւ 12-ից հասցվեց 20 տոկոսի: Կառավարությունն արտոնություններ սահմանեց միայն միկրոբիզնեսի համար եւ այդ կարգի գործարարների ազատեց եկամտահարկից:

Ընդհանրապես, նախկին եւ ներկայիս կառավարությունների համար եկամտահարկի թեկուզ մեկ տոկոսով նվազեցումը բավականին բարդ հարց է: Պատճառն այն է, որ պետական բյուջեի յոթերորդ մասը համալրվում է հենց այդ եկամտահարկի շնորհիվ:

ՅՈՒՐԻ ԽՈՐԵՆՅԱՆ

ԳԻՏՈՒԹՅՈՒՆ ԵՎ ԿՐԹՈՒԹՅՈՒՆ

ՄԻՎԱ ԹՈՐՈՍՅԱՆԻ ՄԻՋԱԶԳԱՅԻՆ ՃԱՆԱՉՈՒՄԸ

Թբիլիսիի Ի.Ջավախիշվիլու անվան պետական համալսարանի ճշգրիտ եւ բնագիտական գիտությունների ֆակուլտետի դասախոս, Երիտասարդ գիտնականների հանրապետական կոնֆերանսին (2005) իր դիպլոմային աշխատանքով երրորդ տեղը զբաղված, 30-ամյա Միվա Թորոսյանին 2013 թվականին ճանաչեցին ոչ միայն Վրաստանում, այլև նրա սահմաններից դուրս:

Անցյալ տարի օգոստոսին, հաջողությամբ հանձնելով անհրաժեշտ քննությունները, նա դարձավ «Wolfram Research» ընկերախմբի տեխնոլոգիաների եւ ուսումնական դասընթացների հավաստագրված հրահանգիչ: Միվա Թորոսյանն իր այդ կարգավիճակով ներկայումս առաջին կինն է հետխորհրդային տարածքում:

Մենք հանդիպեցինք Միվային եւ խնդրեցինք պատմել իր աշխատանքի մասին:

- Միվա, առաջին հերթին, պարզաբանեք ի՞նչ է «Wolfram Research» ընկերությունը:

- Այդ ընկերությունը իր անունը ստացել է դրա հիմնադրի ազգանունից. 1988 թվականին Սթիվեն Վոլֆրամն ստեղծեց այդ սիստեմի առաջին ծրագրիչը, որի վրա աշխատում էր դեռ ուսանողական տարիներից: Մաթեմատիկայի վրա հիմնված սիստեմը կիրառողի տալիս է բազմակողմանի գիտական հաշվարկումների անցկացման հնարավորություն՝ սկսած տարրական մաթեմատիկայից, մինչեւ հաշվարկային բարդ մեթոդների իրականացում:

- Ունի՞ որեւէ առավելություն մյուս սիստեմների շարքում:

- Համակարգչային այդ սիստեմը կիրառողի ծառայում է թե՛ որպես հաշվարկիչ, թե՛ որպես հզոր ծրագրային սիստեմ, որի միջոցով հնարավոր է իրագործել ընդհուպ մաթեմատիկական մոդելների կազմում եւ դրանց հետազոտում:

Փորձագետներն ընդգծում են, որ «Wolfram Mathematica» ծրագրին հավաստագրված հրահանգիչները բարձր մակարդակի ռեզուլտատներ են, ինչպես ասում են, սուպեր մակարդակի «Wolfram» տեխնոլոգիաների փորձագետներ:

- Իսկ ո՞րն է Ձեր բերած նորը այդ սիստեմում, պատմեք Ձեր գյուտի մասին:

- Ես «Wolfram Mathematica» սիստեմում ստեղծել եմ թեստային ծրագիր, որը



համալսարանում օգտագործվում է ուսանողների հետ հարցադրում անցկացնելու ժամանակ: Ի դեպ, իմ կողմից ստեղծվել են նաեւ տարբեր անիմացիաներ ու ծրագրեր: Թեստային ծրագրավորման թեմայով երկու գիտական հոդվածների հեղինակ եմ: Իմ ուսումնական դասընթացը կոչվում է «Wolfram Mathematica սիստեմը եւ նրա հնարավորությունները»:

- Ըստ Ձեզ, ինչո՞ւ էր անհրաժեշտ այդ նորամտությունը:

- Իմ կարծիքով, ուսանող պետք է տիրապետի համակարգչի աշխատանքին՝ «Wolfram Mathematica» սիստեմի հիմքով, քանի որ, որպեսզի ուսանողը սիստեմի շրջանակում էֆեկտիվ ծրագրավորման եւ իր մեջ անկախ ուսման հետաքրքրություն ու ունակություն մշակի, նա պետք է յուրացնի անհրաժեշտ գիտելիք եւ գործնական հնարքներ ու սովորություններ: Սրա հետ մեկտեղ, ուսանողը պետք է տիրապետի եւ միեւնոյն ժամանակ վարժ օգտագործի ժամանակակից տեխնոլոգիաները:

- Միջազգային ճանաչման հասնելուց հետո, Դուք Ձեզանում զգո՞ւմ եք որեւէ փոփոխություն:

- ...Ինձ աշխատելու նոր լիցք հաղորդվեց, եւ ես ցանկանում եմ այն փոխանցել նաեւ ուսանողներին: Ճանաչումն ինձ մղում է հասնել որակավորման նոր աստիճանի, ինչին, կաջակցի տարբեր երկրներում գործող «Wolfram Research» ընկերությունը:

- Ի՞նչ կցանկանայիք ավելացնել:

- Օգտվելով բարեպատեհ առիթից՝ իմ շնորհակալությունն եմ ուզում բերել պետական լսարանային իմ գիտական ղեկավար Ջսուր Մաչաթեիին՝ ինձ «Wolfram Mathematica» սիստեմին ծանոթացնելու եւ մեր համալսարանի ռեկտոր, ակադեմիկոս Վլադիմիր Պապավային իմ այս հաջողության համար:

- Հաջողություն Ձեզ եւ նոր ձեռքբերումներ:

ՏՈՒԼԻԵՏԱ ԲԱՐՍԷՅԱՆ

ԱԿՏՈՆՈՒՎԱ

«ՃԱՆԿԱՆՈՒՄ ԵՄ ՓՆԵԼ... ՍՈՒՉՎԱԾ ՄԵՔԵՆԱՆԵՐ»

Բոլորից լավ վաճառվում են արծաթագույն եւ սեւ ավտոմեքենաները

Թբիլիսիում հազվադեպ կարելի է հանդիպել սեփական ավտոմեքենա չունեցող մարդու: Դա նկատելի է նաեւ մայրաքաղաքի փողոցներից, ուր ցանկացած ժամերին էլ դժվար է անցնել կամ երթելով, առավել եւս՝ «պիկ» ժամերին: Եթե առաջներում դժգոհում էին, թե ով իր կողմը ծախեց, Թբիլիսի եկավ, սկսեց տաքսի քշել, դրա համար էլ փողոցները ծանրաբեռնվեցին, ապա հիմա ասում են. «Ով երկու կուպեկ ունի, բոլորը մեքենա են քշում»:

Դատելով ավտոմեքենաների առատությունից՝ չես ասի, որ այս երկիրը կարիքի մեջ է, չէ՞ որ ավտոմեքենա գնելը այդքան էլ էժան հաճույք չէ: Ամենամեծ ընտրությունը Ռուսթավիի ավտոշուկայում է: Վրաստանի բոլոր տարածաշրջաններից այստեղ են հավաքվում այն մարդիկ, ովքեր արտասահմանից մեքենա բերելով եւ վաստակում իրենց ապրուստը: Այդտեղ հնարավոր է ձեռք բերել տարբեր ընկերությունների կողմից բերված ավտոմեքենաներ, գնել մեքենաներ ապառիկով, մաքսագերծել, կատարել տեխնիկական զննում եւ օգտագործած ավտոմեքենաները փոխել ցանկացած այլ ավտոմեքենաներով: Այստեղ կարող եք տեսնել ինչպես նոր, այնպես էլ օգտագործած կամ խորհրդային արտադրու-

թյան ավտոմեքենաներ: Շուկայի տարածքում ավտոմեքենա կանգնեցնելու վարձը աշխատանքային օրերին կազմում է 2 լարի, իսկ շաբաթ-կիրակի՝ 10 լարի: Գնորդների մեծ մասը շուկա է գալիս շաբաթ-կիրակի օրերին: Այստեղ հնարավոր է հանդիպել նաեւ հարեւան երկրներից՝ Հայաստանից եւ Ադրբեջանից ժամանած գնորդների: Ավտոշուկայի տարածքում լուսանկարումս արգելված է, քանի որ գրեթե բոլոր մեքենաները, որոնք տեղակայված են այս տարածքում, պտտվում են ընկերություններից մեկի կայքում: Լուսանկարելու ու կայքում տեղադրելու արժեքը կազմում է 15 լարի: Անվտանգությունը պաշտպանում է հատուկ ծառայությունը, իսկ շուկայում անընդհատ պարեկություն է անում ոստիկա-

նության մի քանի պարեկախումբ: Վախո Թաթելիշվիլի (վաճառող). - Չմռանը գնորդների թիվը սակավ է: Ժողովուրդը արդեն այնքան մեքենա է գնել, որ հավանաբար մարդ չի մնացել, ով ավտոմեքենա չունի: Հիմնականում ցանկանում են գնել ջրիեղելի ժամանակ սուզված ավտոմեքենաներ, քանի որ դրանք համեմատաբար էժան են: Լույն մոդելի սուզված եւ սարքին ավտոմեքենաների գների միջեւ 5.000 դոլարի տարբերություն կա: Նման ավտոմեքենաները փաստորեն մրցակցում են լավ մեքենաների հետ: Նման մեքենաներ գնել ցանկացողների թվում են նաեւ արդեջապեղներն ու հայերը: Դոլարի փոխարժեքը բարձրացել է, սակայն այդ հանգամանքն ընդհանրապես չի ազդել մեքենաների գնի վրա: - Հիմնականում ո՞ր մակնիշի ավտոմեքենաների պահանջարկ կա: - Կախված է նրանից, թե ով է գնորդը եւ, ինչքան գումար ունի: Մեծ մասամբ վաճառվում է սեդանի տիպի «Մերսեդես»-ը: Երկրորդ տեղում է «BMW» մակնիշի մեքե-

նան, երրորդ տեղում՝ «Օպելը»: - Ջիպերի պահանջարկ կա՞: - Իհարկե, ջիպեր էլ են ուզում, բայց շատ քանակ է: Օրինակ՝ «Մերսեդես» ջիպի գինը սկսվում է 7.000 դոլարից եւ հասնում մինչեւ 55.000 դոլար: Եթե մեքենան մաքսագերծված է, մի քանի հազար դոլար ավելի թանկ է, սակայն օտարերկրացիները հիմնականում չմաքսագերծված մեքենաներ են գնում: - Ի՞նչ գործընթաց է հարկավոր անցնել այս տարածքում մեքենա ձեռք բերելիս: - Եթե ձեռք բերած ավտոմեքենան ամերիկական է, ապա ստուգում են հենց այստեղ «կարֆաքսով», որի արժեքը 20 լարի է: Դրա շնորհիվ, երեսուն է մեքենայի պատմությունը: Ոմանք նախընտրում են ստուգել մեքենան կենտրոնում, ինչը կազմում է մոտավորապես 100-150 լարի: Հետո տեղի է ունենում ավտոմեքենայի մաքսագերծում, ինչի արժեքը սահմանվում է ըստ ավտոմեքենայի շարժիչի հզորության: - Համեմայնդեպս, ի՞նչ արժեք ավտոմեքենայի մաքսագերծումը:



- Ամենաէժանը 2002-2007 թվականն արտադրված ավտոմեքենաների մաքսագերծումն է, օրինակ՝ 2:0 շարժիչով ավտոմեքենայի մաքսագերծումը մոտավորապես կազմում է 1400 լարի: Մինչեւ 2007 թվականն արտադրված մեքենայի յուրաքանչյուր «խորանարդի» մաքսագերծման արժեքը կազմում է 50 թեթի: 2007 թվականից հետո արտադրված մեքենաների յուրաքանչյուր խորանարդը 20-ական թեթիով ավելանում է, իսկ ծեւակերպումը կազմում է 70 լարի: - Մեքենաները հե՞տ են վաճառվում: - Կախված է գույնից եւ մոդելից: Բոլորից լավ վաճառվում են արծաթագույն եւ սեւ ավտոմեքենաները: Երբեմն մեքենան բավարարում է բոլոր պահանջները, սակայն 8 ամիս կանգնած է մնում ավտոշուկայում: ՍԱՐԻՆԱ ԹՈՐՈՍՅԱՆ

ԾՁ ԾՕ - ձ 2 ↑ 2 ռ Է 2 Ս 2 ՍԷՁ 1/2 Ս Է ձ ԾԾձ ԾՕ, Ս՞ Ծ

ԾԻՍԱԿԱՐԳ



ՄԱՆԿԱՅԻՆ ԱԼԵՐԳԻԱ

Վախով եմ սպասում գարնան գալուն: Ծառերի ծաղկումը ինձ մութ ուղեկցվում է մաշկային ալերգիայով: Զգիչ եմ ինչպե՞ս վարվել:

Ի.ՄԱՅՆԱԿԱՆՅԱՆ

ԹՔԻԼԻԿ

Մաշկային ալերգիայի ամենատարածված հիվանդություններից մեկը եղնջացան է: Ամվանումը պատահական չէ, կարծես մաշկին եղինջով խփած լինեն: Եղնջացանին բնորոշ նշաններից մեկն էլ ուժեղ քորն է: Այս հիվանդության հիմնական պատճառը ալերգիաներն են՝ սննդային, կենցաղային, ծաղկափոշիների, դեղորայքային, որոնց հետ գործ ունենալիս, կարող է առաջանալ եղնջատենը: Սա էլ իր հերթին լինում է սուր եւ քրոնիկական: Սուր արտահայտված եղնջացանը կարող է ուղեկցվել բարձր ջերմությամբ, գլխացավով: Լինում են նաեւ ալերգիկ դերմատիտներ, դրսեւորվում են մաշկաբորբերի տեսքով, որոնք էլ առաջացնում են ոչ միայն ցան, այլ նաեւ մաշկի թեփոսում, չորություն, երբեմն էլ՝ ճաքեր: Ալերգիկ հիվանդություններից են նաեւ շուրջտարյա ալերգիկ ռինիտները, որոնք ընթանում են փոշոտոցով, քթախո-

տությամբ, արյունահոսությամբ, աչքերի քորով եւ ավելի սրանում են գարնանը եւ աշնանը, ծաղիկների ծաղկման եւ քամուց բարդիների «փոշու» օդում տարածվելու ժամանակ: Ալերգիկ հիվանդությունների մեջ մտնում է նաեւ բրոնխիալ ասթման: Արդեն շատ վաղուց է բրոնխիալ ասթմային վերաբերվում են՝ ինչպես ալերգիկ հիվանդության, որովհետեւ դրա հիմքում ալերգիկ պրոցեսների հետեւանքով առաջանում են բրոնխոսպազմ եւ առատ հիպերսեկրեցիա (լորձարտադրություն), երբ բրոնխների պատերը սեղմվում են եւ դժվարացնում շնչառությունը: Այս բոլորի հետեւանքով, հիվանդների մոտ սկսվում են հեղձուկի նուսպաներ, հիվանդը խեղդվում է, հազում, պինդ խորխը չի կարողանում դուրս հանել: Դժվարացած շնչառությունը, հազը, հեղձուկը ասթմային բնորոշ ախտանիշներն են:

ՏԱՐԲԵՐ ԱՉԳԵՐԻ ՏԱՐՈՐԻՆԱԿ ԶԱՐԱՆԵԿԱՆ ԱՎԱՆԴՈՒՅԹՆԵՐԸ

Յուրաքանչյուր ազգ ունի իր հարսանեկան ավանդույթները, եւ դրանք շատ հաճախ բավական տարրից են եւ տարբերվում են միմյանցից:



ՇՈՏԱՆԴԻԱ

Շոտլանդացիները, ըստ մեր տեսանկյունի, շատ տարօրինակ պատկերացում ունեն այն մասին, թե ինչպիսի տեսք պետք է ունենա հարսնացուն:

ՀԱՐՎԱՅԻՆ ԿՈՐԵԱ

Երեկոյան, հարսանեկան արարողությունից հետո, փեսացուն պետք է ոտքերը չլվանա: Քանի որ դրանից առաջ 10-20 րոպե նրա ոտքերին հարվածում են փտած ձկներով: Այդ «հիանալի» բուրմունքով նա անմիջապես գնում է դեպի ամուսնական անկողին:



նացուն: Նրա գեղեցիկ, ճերմակափայլ զգեստը եւ քողը պետք է անպայման ցեխտուել: Համարվում է, որ ինչքան շատ կեղտոտվի հարսնացուն հարսանիքին, այնքան ավելի քիչ կեղտոտ կլինեն հարսերությունները նորաստեղծ ընտանիքում: Հենց ինքը՝ արարողությունը, եւս շատ անսովոր է: Բոլոր հավաքված հյուրերը ջանասիրաբար հարսնացուի վրա մուր են քսում, ցեխ են շարտում եւ նրա ճերմակափայլ զգեստի վրա տարբեր տեսակի տուսներ լցնում: Հենց այս տեսքով էլ հարսնացուն պետք է շրջի ողջ քաղաքով մեկ: Նա պետք է հաճախ բոլոր այն պանդոկները, որոնք հանդիպում են նրա ճանապարհին:

ՔԵՆԻԱ

Այն, ինչը մեզ համար վիրավորանք է, Քենիայում օրհնություն է համարվում: Երբ տեղացի հարսնացուն փեսայի հետ լքում է հարազատ գյուղը, աղջկա հայրը հրաժեշտին թքում է աղջկա գլխին ու կրծքերին:



ՄԱՍԱՅՅԻԱ

Մալայզիայում Թինդուգ համայնքի անդամներն արգելվում են նորապսակների 3 օր ու գիշեր լողանալ եւ զուգարան գնալ: Նրանք կարծում են, որ եթե զույգը ցանկանա իր կարիքները հոգալ, ապա կինը կարող է չբեր դուրս գալ, կամ երեխան կարող է մահանալ: Որպեսզի ապագա նորապսակները շատ կարիք չունենան զուգարանի, այդ երեք օրվա ընթացքում նրանց անընդհատ հետեւում են, շատ քիչ կերակուր են տալիս եւ, ընդամենը, մի քանի կուն ջուր:



ԳԵՐՄԱՆԻԱ

Գերմանացիների կարծիքով, նոր ընտանեկան կյանք մտնող պսակները պետք է մտնեն նոր իրերով: Այսպիսով, հարսանեկան տոնակատարությունից հետո բոլոր կեղտոտ ափսեները, բաժակները, սպասքը չեն լվացվում, այլ մեծ ուրախությամբ ջարդվում են, ապա՝ մաքուր խղձով դեն են տվում:



ՄԱՍՆԱԳԵՏԻ ԽՈՐՀՈՒՐԴ ԱՌՈՂՋ ՍՆՈՒՆԴ

Հնուց մարդը սովորել է տարբեր մթերքներ օգտագործել բուժական նպատակներով: Եվ այսօր, չնայած հսկայական թվով սինթետիկ բուժամիջոցների առկայությանը, բնական դեղամիջոցները մեծ ընդունելություն են գտնում:

Գիտնականը առանձին մթերքների առողջարար հատկությունների մասին կարելի է դրանք օգտագործել թե՛ փոքրերի, թե՛ մեծահասակների տարբեր հիվանդությունների բուժման եւ առողջական տարբեր խնդիրներ լուծելու նպատակով: Կենդանական ծագում ունե-

ցող մթերքներից բուժական ընդգծված հատկություններով են աչքի ընկնում կաթը եւ տարբեր կաթնամթերքները, որոնք հեշտությամբ են յուրացվում օրգանիզմի կողմից, մինչև նույն ժամանակ՝ դրա համար ծախսելով նվազագույն քանակի մարսողական հյութեր:

ԹԵՎԱՎՈՐ ՄՏԵՐ

Մեր ժողովուրդը հզոր է իր գերդաստաններով:

ՄՈՒՐԱՅԱՆ (1854-1908)

Հայ գրող

Թե չի սիրում, թո՛ղ չսիրի, սակայն երբե՛ք չբամբասի:

ՇՈՑԱ ՌՈՒՄՅԱՆ (XII դար)

Վրաց բանաստեղծ

Մարդու համար մահը ոչինչ է, որովհետեւ, երբ մենք գոյություն ունենք, մահը դեռ ներկա չէ, իսկ երբ մահը ներկա է, այդ ժամանակ մենք գոյություն չունենք:

ԷՊԻԿՈՐ (մ.թ.ա. 342-270)

Հույն փիլիսոփա

Հանգուցյալները, եւ միայն

նրանք, կարող են ոչինչ չանել:

ԹՈՍԱ ՖՈՒԼԵՐ (1608-1661)

Անգլիացի պատմաբան

Սովը նայում է աշխատավորի տան կողմը, բայց վախենում է ներս մտնել:

ԲԵՆՋԱՄԻՆ ՖՐԱՆԿԼԻՆ (1706-1790)

Ամերիկացի պետական գործիչ


Ավելի լավ է կատարելությամբ անել գործի մի փոքր մասը, քան անել տասն անգամ շատ, բայց՝ վատ:

ՄԱՐԻՆԱ ՂԱԶԱՐՅԱՆ «Վրաստանի» ընթերցող



ՃԱՎԱ ԿՂԶԻ

Ի ն չ պ ե ս հայտնի է, ոչինչ անվճար չի լինում եւ հարսանիքի համար նույնպես պետք է վճարել: Հենց այդպես է նաեւ այս կղզում: Հարսանիքի համար ամուսնացողները վճարում են առնետի 25 պոչ: Եթե ընտանեկան կյանքը չի ստացվում, ապա ամուսնալուծության համար նրանք պետք է վճարեն արդեն առնետի 50 պոչ:



ՉԻՆԱՍՏԱՆ

Ըստ չինական ավանդության, այս ծեսը սկսվում է հարսանեկան արարողությունից 30 օր առաջ: Հարսնացուն պարտավոր է ողբագին լացել: Ամեն օր նա պետք է 30 րոպե լաց լինի: Տասն օր հետո, հարսնացուի լացին միանում է նաեւ նրա մայրը: Իսկ հարսանիքի նախօրեին նրանք են միանում նաեւ ընտանիքի մնացած կին անդամները:

ՄԱՎՐԻՏԱՆԻԱ

Աֆրիկայի արեւմտյան ափերին գտնվող այս երկրում սիրում են փարթած ու հաստիկ կանանց: Երբ ամբողջ աշխարհով մեկ կանայք հարսանիքի առաջ միախառնվում են, որպեսզի սլացիկ տեսք ունենան այդ օրը, ահա այս երկրում հարսանիքի առաջ տղամարդիկ իրենց ընտրյալներին ուղարկում են այսպես կոչված «յուղի ֆերմաներ»: Այնտեղ նրանք պետք է մինչեւ ամուսնությունը լավ գիրաբան, որպեսզի ավելի գեղեցիկ լինեն իրենց ամուսնիների համար:



ՀՆԿԱՍՏԱՆ

Այն կանայք, ովքեր ծնվել են իրենց հորուկողով Մարս մոլորակի որոշակի դասավորվածության ժամանակ, համարվում են անիծված եւ իրավունք չունեն ամուսնանալ: Սակայն, կանայք գտել են ելքը ստեղծված իրավիճակից: Հաճախ նրանք ուղղակի ամուսնանում են որեւէ փայտե կուռքի հետ: Այնուհետեւ ազատվում են նրանից՝ թաղելով հողի մեջ: Համարվում է, որ դրանից հետո նրանք մաքրագործվում են, եւ անեծքը կորցնում է իր ուժը: Այս ծեսից հետո այրիները իրավունք ունեն երկրորդ անգամ ամուսնանալ:



ԲԱԼԻ ԿՂԶԻ

Հարսանիքի խնջույքի ժամանակ, սեղանի շուրջ միայն կանայք են նստում: Տղամարդիկ այդ ժամանակ հանգստանում են, քանի որ հարսանեկան սեղանի բոլոր ուտեստները նրանք են պատրաստել՝ հուրախություն իրենց կանանց:



ՇՎԵԴԻԱ

Եթե հարսանեկան խնջույքի ժամանակ հարսը կամ փեսան ժամանակավոր հեռանում են սեղանից, ապա սեղանի շուրջ նստած մյուս ամուսինը սկսում է համբուրվել բոլորի հետ: Այսպես, եթե փեսան է հեռացել սեղանից, ապա տոնակատարությանը գտնվող ցանկացած տղամարդ շանս է ստանում համբուրվել հարսնացուի հետ:



ԿՈՆԳՈ

Այստեղ հարսանիքը համարվում է շատ լուրջ իրադարձություն, եւ հարսն ու փեսան իրավունք չունեն ժպտալ ողջ հարսանեկան արարողության ընթացքում:



* Թփուտներում հայտնաբերվել է կմախք: Պարզվել է, որ դա պահնոտոցու աշխարհի չեմպիոնի կմախքն է: * - Բժիշկ, այս հիվանդի մոտ 40 աստիճան է: - Բա ո՞ւմ եք սպասում: Լցրե՛ք: * Կինը՝ ամուսնում. - Թանկագինս, նկատո՞ւմ ես, որ վարունգի դիմաքսուքը օգնում է բարելավել տեսքս: - Իհարկե, սիրելիս, միայն թե չեմ հասկանում, ինչո՞ւ ես ընդհանրապես մաքրում դա: * Հայրը՝ դստերը. - Մայրիկը առանց հովանոցի դուրս եկավ, ու տես, թե ի՞նչ անձրեւ սկսվեց: - Մի՛ անհանգստացիր, հայրիկ, կարծում եմ, նա կհասցնի վազել մի որեւէ խանութ ու սպասել այնտեղ անձրեւի դադարելուն: - Ա՛յ, հենց դրանից էլ վախենում եմ: * Ուսանողը դուրս է գալիս քնությունից: Ընկերները՝ հուզված. - Դե, համձնեցի՞ր: - Ո՞նց որ թե... համձնեցի... - Իսկ ի՞նչ էր հարցնում: - Ո՞վ գիտի, այդ անգլերեն էր խոսում:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ԱԶԳԱՅԻՆ ԽՈՐՀՐԴԻ ՆԻՍՏ` ՀԱՅԱՍՏԱՆԻ ՆԱԽԱԳԱՀԻ ՆԱԽԱԳԱՀՈՒԹՅԱՄԲ

Հայաստանի նախագահ, Հայաստանի ազգային անվտանգության խորհրդի նախագահ Սերժ Սարգսյանը հրավիրել է Ազգային անվտանգության խորհրդի նիստ:

Նիստում քննարկվել է հավանության է արժանացել «Հայաստանում պրոբացիայի ծառայության ներդրման հաշվարկի» նախագիծը, որը զեկուցել է Հայաստանի արդարադատության նախարար Յուրայր Թովմասյանը:

Հայաստանի պաշտպանության նախարար Սեյրան Օհանյանը խորհրդի

անդամներին զեկուցել է Հավաքական անվտանգության պայմանագրի կազմակերպության ռազմական բաղադրիչի զարգացման, միացյալ ուժերի խմբավորման կարգավիճակի և կիրառման հայեցակարգային ու նորմատիվ-իրավական ակտերի ընդունման խնդիրների մասին:

Ազգային անվտանգության խորհրդի անդամները քննարկել են հավանության են արժանացրել նաև «Եվրոպական հարեւանության քաղաքականության Հայաստանի Հանրապետություն-Եվրոպական միություն գործողությունների ծրագրի կատարումն ապահովող 2014-2015 թթ. միջոցառումների ցանկի» նախագիծը: Այդ մասին զեկուցել է Ազգային անվտանգության խորհրդի քարտուղար Արթուր Բաղդասարյանը:

ՀԱՅԱՍՏԱՆ-ՐՈՒՆԱՍՏԱՆ. ԼՐԱՑՈՒՑԻՉ ԱԶԴԱԿ ԵՐԿՎՈՂՄ ՀԱՐԱԲԵՐՈՒԹՅՈՒՆՆԵՐԻ ԶԱՐԳԱՑՄԱՆ ՀԱՄԱՐ



Հայաստանի նախագահ Սերժ Սարգսյանը հանդիպում է ունեցել պաշտոնական այցով Հայաստանում գտնվող Ռուսաստանի խորհրդարանի նախագահ Վանգելիա Մեյմարակիսին:

Զրուցակիցները երկուստեք չափազանց կարեւորել են խորհրդարանական դիվանագիտության դերը երկկողմ քաղաքական երկխոսությունում առաջ մղելու գործում՝ դրական գնահատելով Հայաստանի և Ռուսաստանի խորհրդարաններում ձեւավորված բարեկամության

խմբերի գործունեությունը: Կողմերի համադրմամբ, օրենսդիր մարմինների միջև սերտ փոխգործակցությունը կարող է մեծապես օգտակար լինել երկու երկրների կառավարությունների միջև փոխշահավետ համագործակցության զարգացման ու խորացման գործում:

Հանդիպման անդրադարձ է եղել նաև Հայաստան-ԵՄ հարաբերություններին: Խոսելով դրանց հեռանկարի մասին Սերժ Սարգսյանը ընդգծել է, որ այդ հարաբերություններում ոչինչ չի փոխվել, անցած տարվա նոյեմբերին, Վիլնյուսի գագաթաժողովում, Հայաստանը հաստատել է Եվրոպական միության հետ սերտ համագործակցություն զարգացնելու հանձնարարությունը, հավանության է արժանացել «Եվրոպական հարեւանության քաղաքականության Հայաստան-ԵՄ գոր-

ծողությունների ծրագրի կատարումն ապահովող 2014-2015 թթ. միջոցառումների ցանկի» նախագիծը, եւ հետագա փոխգործակցության խորացման ուղղությամբ համատեղ աշխատանքները շարունակվում են:

ԵՄ-ում ներկայումս նախագահող երկրի՝ Ռուսաստանի խորհրդարանի նախագահը վստահեցրել է, որ իր երկիրը կանհամեմատելի կապերի ամրապնդումից բացի՝ նպատակ ունի Ռուսաստանի հարաբերությունների զարգացմանը:

ԿԱՅԱՑԱԿ ՀԱՅԱՍՏԱՆԻ ԵՎ ՌՈՒՍԱՍՏԱՆԻ ՎԱՐՉԱՊԵՏԵՐԻ ՀԱՆԴԻՊՈՒՄԸ

Փետրվարի 23-ին աշխատանքային այցով Ռուսաստանի Դաշնությունում, մասնավորապես՝ Մոսկուում, գտնվող Հայաստանի վարչապետ Տիգրան Սարգսյանը հանդիպել է ՌԴ կառավարության ղեկավար Դմիտրի Մեդվեդևին:

Տիգրան Սարգսյանը Հայաստանի կառավարության և հայ ժողովրդի անունից նախ շնորհավորել է ՌԴ իր գործընկերները՝ Մոսկուում ծննդային օլիմպիական խաղերը բարձր մակարդակով անցկացնելու, եւ ռուս մարզիկների արձանագրած հաջողությունների ու պատմական ռեկորդ սահմանելու կապակցությամբ:

Հանդիպմանը երկու երկրների վարչապետները քննարկել են հայ-ռուսական ռազմավարական հարաբերություններին առնչվող օրակարգային մի շարք հարցեր, որոնք վերաբերել են առեւտրատնտեսական և ներդրումային ոլորտներում երկկողմ համագործակցությանը՝ ներառյալ էներգետիկ, արդյունաբերական և ենթակառուցվածքների բնագավառների համատեղ ծրագրերը:

Հայաստանի և Ռուսաստանի վարչապետները գոհունակություն են հայտնել երկկողմ առեւտրաշրջանառության աճող ծավալների մակարդակից և վստահություն հայտնել, որ այն կշարունակի նոր թափ ստանալ Հայաստանի՝ Մաքսային միությանը և Միասնական տնտեսական տարածքին միանալուց հետո:

Տիգրան Սարգսյանը և Դմիտրի Մեդվեդևը բարձր են գնահատել նաև Հայաստանի կողմից ՄՄ-ին անդամակցության «ճանապարհային քարտեզ»-ով նախատեսված միջոցառումների իրականացման գործընթացը:



Փետրվարի 23-ին, Դմիտրի Մեդվեդևի հրավերով, Տիգրան Սարգսյանը ներկա է գտնվել նաև ծննդային օլիմպիական խաղերի փակման արարողությանը: Դրա շրջանակներում, Հայաստանի վարչապետը կարճատեւ գրույց է ունեցել նաև ՌԴ նախագահ Վլադիմիր Պուտինի հետ:

ԿԱՏԵՂԾՎԻ ԶԲՈՍԱՇՐՋԱՅԻՆ ՄԻԱՍՆԱԿԱՆ ՑԱՆՑ



Ծրագիրը տեւելու է 18 ամիս, որի ընթացքում, աշխատանքներ են տարվելու չորս երկրներում՝

«Նորարարական գյուղական զբոսաշրջության խթանում» ծրագրով, Հայաստանը, Վրաստանը, Թուրքիան և Բուլղարիան կստեղծեն մեկ միասնական զբոսաշրջային ցանց: Ծրագիրն իրականացնում է «Դեյֆեր Հայաստան» կազմակերպությունը Եվրոպական միության աջակցությամբ:

րի զբոսաշրջության ոլորտում տեղական ծառայություններ մատուցող ընկերությունների, տուրիստական գործակալությունների և պետական կառավարման մարմինների, միջազգային կազմակերպությունների հետ: Ծրագրի շրջանակներում, կստեղծվեն ուսուցում ստացած և հմտություններ ունեցող գյուղական զբոսաշրջության ոլորտում տեղական ծառայություններ մատուցողների և տուրիստական գործակալությունների ցանցեր, որոնք կնշակեն և կվաճառեն «տարածաշրջանային այցելուի

միասնական փաթեթը»: «Նորարարական գյուղական զբոսաշրջության խթանում» ծրագիրը համաֆինանսավորվում է Եվրոպական միության կողմից 472 հազար 923 եվրո գումարի չափով: Ծրագրի մեկնարկը տրվել է 2013 թվականի նոյեմբերին և կտեւի 18 ամիս:

ՀԱՐԳԱՆՔԻ ՏՈՒՔ՝ ԱՆԴՐԱՆԻԿ ՕԶԱՆՅԱՆԻ ՀԻՇՆԱՏԱԿԻՆ

Զորավար Անդրանիկ Օզանյանի ծննդյան 149-րդ տարեդարձի կապակցությամբ, Երեւանի քաղաքապետ Տարոն Մարգարյանը և Հայաստանի պաշտպանության նախարար Սեյրան Օհանյանն այցելել են եռաբլուր պանթեոն՝ հարգանքի տուրք մատուցելու Զորավարի հիշատակին:

Հայ Առաքելական Եկեղեցու սպասավորները տեղում կատարել են հոգեհանգստի կարգ՝ Զորավարի և հայ ազգային ազատագրական պայքարի բոլոր նվիրյալ նահատակների հոգիների հանգստության համար:

Քաղաքապետ Տարոն Մարգարյանն ու Հայաստանի պաշտպանության նախարար Սեյրան Օհանյանը ծաղիկներ են դրել նաև սպարապետ Վազգեն Սարգսյանի,

Հայաստանի Հանրապետական կուսակցության հիմնադիր Աշոտ Նավասարդյանի շիրիմներին և Անհայտ զինվորի հուշաքարին: Այնուհետ, քաղաքապետ Տարոն Մարգարյանն այցելել է Անդրանիկ Օզանյանի թանգարան և ներկա գտնվել Մեծ զորավարի հիշատակին նվիրված միջոցառմանը:



ԿԱՅԱՑԱԿ ԵՐԻՏՄԱՍՏՐՊՈՒՄՆ ԶԻՄՆԱԳՐԱՄԻ «ՀԱՅԿՅԱՆ» ՄՐԻՍՆԱԿԱՔԱՇԽՈՒԹՅՈՒՆԸ

Հայաստանի նախագահ Սերժ Սարգսյանը Երեւանի պետական կամերային թատրոնում ներկա է գտնվել Հայաստանի երիտասարդական հիմնադրամի սահմանած «Հայկյան» մրցանակաբաշխությանը: Կազմակերպիչների հավաստմամբ, ամենամյա այս մրցանակաբաշխության նպատակն է խթանել երկրում ուսանողական ինքնակառավարման մարմինների ակտիվությունը, երիտասարդական ինքնադիպ նախաձեռնությունները, գիտության ոլորտում երիտասարդների ներգրավվածությունը, ինչպես նաև միջազգային համագործակցությունն ու պետական երիտասարդական քաղաքականության ոլորտում աշխատանքները: Մրցանակաբաշխության ժամանակ, ավելի քան մեկ տասնյակ անվանակարգերում մրցանակների են արժանացել 2013թ. երիտասարդական ոլորտում իրենց լավագույնս դրսևորած ուսանողական և երիտասարդական կառույցները, լավագույն երիտասարդական ծրագրերը: Ավանդական անվանակարգերից բացի, սահմանվել են նաև հատուկ մրցանակներ, որոնք մրցանակակիրներին հանձնել է Հայաստանի նախագահ Սերժ Սարգսյանը: Այս տարի «Հայկյան» մրցանակակիրները, խորհրդանշական արձանիկից բացի, արժանացել են նաև «Արմթաք» հայկական պլանշեթի:

ՀԱՆՈՒՊՈՒՄ՝ ՄԵԵՍՎԻ ԽՍԵՐ ՀԱՄԱՆԱՍԱԳՈՒՆԵՐԻ ՀԵՑ

Փարիզում փետրվարի 22-ին տեղի է ունեցել Հայաստանի արտգործնախարար Էդվարդ Նալբանդյանի հանդիպումը ԵԱՀԿ Մինսկի խմբի համանախագահներ Իգոր Պոպովի, Ժակ Ֆորի, Ջեյմս Ուորլիքի և ԵԱՀԿ գործող նախագահի անձնական ներկայացուցիչ Անդրեյ Կասպրիկի հետ: Հանդիպմանը շարունակվել են քննարկումները զարաբաղյան հիմնախնդրի խաղաղ կարգավորման բանակցային գործընթացի առաջ մղելու շուրջ:

ՈՍԿԵՂՈՐԾԱԿԱՆ ԱԶՍՏ ՎՈՏԻ ՀԱՅԱՍՏԱՆՈՒՄ

Հայաստանի կառավարության որոշմամբ, «ԷՅ ԶԵՅ ԷՅ ՀՈՒՂԻՆԳ» ընկերության տարածքում, կատարվի մասնագիտացված՝ ոսկեգործության բնագավառի ազատ տնտեսական գոտի, որի կազմակերպիչ կձևանալի նշված ընկերությունը: Ազատ տնտեսական գոտու ստեղծման նպատակն է օտարերկրյա ուղղակի ներդրումների, ոսկերչական, ակնագործական և ժամագործական ոլորտի միջազգային ընկերությունների ներգրավման միջոցով խթանել արտահանման ծավալների աճը, ստեղծել նոր աշխատատեղեր և նպաստել կայուն տնտեսական զարգացմանը:

Պլանավորվում է ԱՏԳ-ում առաջին երեք տարիների ընթացքում ներգրավել մոտ 120-150 ընկերություն, որոնք կստեղծեն շուրջ 2 հազար նոր աշխատատեղեր և կապահովեն տարեկան շուրջ 200-250 մլն դոլարի արտադրանքի արտահանում:

ՊՍԿՍՏԵՑՎԵԼ Է ՀԱՄԱՎՈՐՈՒՄՆԵՐԻ ՆԵՐՄՈՒԹՅՈՒՆԸ

Հայաստանի համակարգիչների և դրանց բլոկների ներմուծման քանակը անցյալ տարի, 2012 թվականի համեմատ, նվազել է 11.2 տոկոսով և կազմել 419 հազար հատ: Ներկրված համակարգիչների և դրանց բլոկների մաքսային ընդհանուր արժեքը գերազանցել է 39.4 միլիոն դոլար: Հայաստանի կառավարությանն առընթեր Պետական եկամուտների կոմիտեի տվյալներով, նախորդ տարի մեր երկիր ներմուծված համակարգիչների և դրանց բլոկների 83.1 տոկոսը Հիմնաստանից է (348.2 հազար հատ), ինչպես նաև Թաիլանդից, Լեհաստանից, Գերմանիայից, Կոստա-Ռիկայից և այլ երկրներից: Անցյալ տարի երկրից արտահանվել է ընդամենը 796 համակարգիչ և բլոկ: 2012 թվականին Հայաստան է ներկրվել 472 հազար հատ համակարգիչ ու բլոկ, որոնց մաքսային ընդհանուր արժեքը գերազանցել է 42.5 միլիոն դոլարը:

ԵԿԵՂԵՑԱԿԱՆ

1.03.2014. Կոստանդնուպոլսի Սուրբ ժողովի 150 հայրապետների (381թ.) հիշատակության օր

ՄԱՐՏ



2.03.2014. Բուն Բարեկենդան

«Բարեկենդան» բառացի նշանակում է կենդանություն, բարի կյանք: Մեծ պահքի Բարեկենդանը կոչվում է Բուն Բարեկենդան, քանի որ նախորդում է ամենաերկար պահքին: Այն տևում է 48 օր՝ Բուն Բարեկենդանից մինչև Սուրբ Հարություն Չատիկի տոնը:

Պահքի շրջանում օգտագործում են բացառապես բուսական ծագում ունեցող սննդամթերք, հրաժարվում են մոլի սովորություններից: Կերակրից հրաժարվելն առանց մեղքից հետ կանգնելու անօգուտ է:

Քառասնօրյա պահքին հաջորդում է պահոց եւս մեկշաբաթյա շրջան Ավագ շաբաթը: Այդ է պատճառը, որ քառասնօրյա կոչվող պահքը 48 օր է տևում: Մեծ Պահքն ունի յոթ կիրակի, յոթ հիշարժան օրեր՝ Բուն Բարեկենդան, Արտաքստուն, Անառակի, Տնտեսի, Դատավորի, Գալստյան եւ Ծաղկազարդ: Ժողովրդական սովորության համաձայն, Մեծ Պահքի կիսվելու՝

թողիկոսի շրջաբերականով թույլատրվեց պատկառություն կատարել Մեծ Պահքի շաբաթ եւ կիրակի օրերին, բացի Ավագ շաբաթվա բոլոր օրերի:

Մեծ Պահքին անմիջապես հաջորդող շաբաթը կոչվում է Ավագ շաբաթ եւ ընդգրկում է Փրկչի երկրային կյանքի վերջին կարեւորագույն իրողությունները՝ հաղթական մուտքը Երուսաղեմ (Ծաղկազարդ), Վերջին Ընթրիքը, Մատնությունը, Չարչարանքները, հաչելությունը, Մահը, Թաղումը եւ, ի վերջո, հրաշափառ Հարությունը՝ Սուրբ Չատիկը:

8.03.2014. Սուրբ Թեոդորոս գորգավարի հիշատակության օր

9.03.2014. Արտաքստան կիրակի

ԱՎԻԱՌԻԴԻՆԵՐ

ՌՈՒՍԱԿԱՆ «ԱԵՐՈՖՈՏԵ» ՎՐԱՍՏԱՆ ԹՈՒՉՔՆԵՐԸ ԿՎԵՐՍԿՍԻ ԱՊՐԻՆԻՆ

Ռուսաստանի «Աերոֆլոտ» ավիաընկերությունը Թուրքիայի «ՏԱՎ-Ջորջիա» ընկերության հետ վարած հաջող բանակցությունների շնորհիվ, որը կառավարում է Թբիլիսիի օդանավակայանը, մտադիր է ընթացիկ տարվա ապրիլի վերսկսել դեպի Վրաստան թռիչքները: Այս մասին հայտարարել է «TAV Georgian-ի փիլառ-մենեջերը, տեղեկացնում է «Արմենպրես»-ը՝ հղում անելով «Նովոստի Գրուզիա»-ին:



«Թռիչքները կսկսվեն ապրիլին եւ կիրականացվեն ամեն օր: Տոմսերի ենթադրվող գինը եւ ստույգ չվացուցակն այս պահին հայտնի չեն, դրանք կորոշի ավիաընկերությունը»,- հայտարարել են ընկերությունում:

հաղորդակցությունը դադարեցվել է 2006 թվականին, երկու երկրների միջեւ հարաբերությունների սրվելուց հետո: Այն որոշ ժամանակով վերականգնվել է 2008 թվականին եւ այնուհետեւ կրկին դադարեցվել 2008 թվականի օգոստոսյան պատերազմից հետո:

ՕԼԻՄՊԻԱԿԱՆ ԽԱՂԵՐ

ՄԱՍ ԲԱՐՈՎ, ՍՈՉԻ, ՄԻՆՉ ՀԱՆԴԻՊՈՒՄ, ՓԻՆԵՆՉԱՆ



Սոչիում եզրագծող հատեցին Չմեռային 12-րդ Օլիմպիական խաղերը:

Փետրվարի 23-ին տեղի ունեցավ խաղերի փակման արարողությունը, որի ընթացքում, օլիմպիական դրոշը փոխանցվեց 2018 թվականին Չմեռային օլիմպիական խաղերը հյուրընկալող Հարավային Կորեայի Փինեյնջան քաղաքին:

Օլիմպիական խաղերում թիմային ոչ պաշտոնական առաջնության հաղթող դարձավ Ռուսաստանի թիմը, այն գերազանցեց Չմեռային օլիմպիականներում ինչպես Ռուսաստանի, այնպես էլ՝ խՍՀՄ հավաքականների արդյունքը:

տանի ներկայացուցիչներից լավագույնը՝ Ելենե Գեդեանիշվիլին, գեղասահքում զբաղեցրեց 10-րդ տեղը, իսկ հայաստանցիներից լավագույն արդյունքը ցույց տվեց Արման Սերեբրակյանը, ով լեռնադահուկային հսկայական ոլորավայրէջքի եւ ոլորավայրէջքի մրցումներում զբաղեցրել է համապատասխանաբար՝ 42-րդ եւ 31-րդ տեղերը:

ՄԵԿՆԱՐԿԵՅԻՆ ՀԱՄԱՀԱՅՎԱԿԱՆ ԱՌԱՋԻՆ ՉՄԵՌԱՅԻՆ ԽԱՂԵՐԸ

Հայաստանի նախագահ Սերժ Սարգսյանը Ծաղկածորում ներկա է գտնվել Համահայկական ձմեռային առաջին խաղերի բացման արարողությանը:

Սերժ Սարգսյանը ողջունել է Համահայկական ձմեռային առաջին խաղերի մասնակիցներին ու հյուրերին: Նա շնորհակալություն է հայտնել բոլոր նրանց, ովքեր նախաձեռնել են այս 15 տարիների ընթացքում ջանք ու եռանդ չեն խնայել, որպեսզի խաղերը կայանան: Նախագահն ընդգծել է, որ այսօր վստահությամբ կարելի է փաստել, որ Համահայկական խաղերը կայացել են:

մասնակցության հայտ է ներկայացրել 11 պետության 22 քաղաքի մոտ 400 մասնակից: Խաղերի ընթացքում կխաղարկվի 39 մեդալ եւ 1 գավաթ: Խաղացանկում ընդգրկված մարզաձևերից երեքը՝ դահուկ, լեռնադահուկ, եւ սնուրբորդ, կանցկացվեն Ծաղկածորում, իսկ հոկեյի մրցաշարը՝ Երեւանում:

Ավելացնենք, որ խաղերի առաջին իսկ արդյունքներն ալվելի քան զոհացուցիչ են, առանձնապես՝ վրաստանցի մասնակցների համար: Այսպես, խաղերի լեռնադահուկորդների հատուկ ոլորավայրէջք մրցաձեւի կանանց մրցապայքարում առաջատարը Թամար Բարբարյանն էր



(Թբիլիսի): Նա հաղթող դարձավ նաեւ լեռնադահուկորդների հսկա ոլորավայրէջքի կանանց պայքարում:

Աչքի ընկան նաեւ տղամարդիկ: Խաղերի տղամարդկանց լեռնադահուկի մրցումներում 80 մասնակիցների թվում առաջին տեղը զբաղեցրեց Վրաստանի ներկայացուցիչ Նիկոլոզ Կոզանաշվիլին:

Համահայկական առաջին ձմեռային խաղերին մասնակցում է շուրջ 400 մարդիկ:



ՎԱՐՉԱԿԱՆ ՏՈՒՅԺԵՐ

ԿԻՐԱՐԿՎՈՒՄ ԵՆ ՆՈՐ ՏՈՒԳԱՆՔՆԵՐ

Վարչական իրավախախտումների օրենսգրքում կատարվել են փոփոխություններ, որոնք ուժի մեջ են մտել 2014 թվականի մարտի 1-ից:

Համաձայն փոփոխությունների, ծովում, լճում, ջրամբարում կամ այլ ջրատարներում կամ ափից առնվազն տասը մետր մոտ ավտոտրանսպորտային միջոցները լվանալու համար սահմանվել է 50 լարիի տուգանք:

Տրանսպորտային միջոցի վրա հատուկ լուսազդանշանի, ձայնային ազդանշանի կամ բարձրախոսի տեղադրման, ինչպես նաեւ հատուկ ծառայությունների տրամապորտային միջոցներին բնորոշ գունավորումն օգտագործելու համար սահմանված է 200 լարիի տուգանք եւ սարքավորման բռնագրավում: Իրավախախտման կրկնության դեպքում, ավտոտրանսպորտի վարորդը վեց ամսով զրկվում է վարորդական իրավունքից:

40x40 crossword puzzle grid with numbers 1-41 indicating starting points for words.

Խ Ա Չ Բ Ա Ռ

ՀՈՐԻՉՈՆԱԿԱՆ. 7.Սիրի'ր եւ ... հայոց լեզուն: 8.Պարզ նախադասության տեսակ: 10.Արեւմտահայ խոշոր բանաստեղծ: 11.Բայի անդամ ձևերից: 12.Վտարանդի նշանավոր արձակագիր ... Սհարոնյան: 13.Բառի արտահայտածը: 14.Բառակազմական եղանակ: 15.Գործնական գրության ձև: 19.Լրագրային ժանր: 21.Բացահայտության նշան: 22.Մանկավարժի լավագույն հատկանիշ: 23.Լեզվի զարգացման փուլերից: 24.Ռուս մեծ բանաստեղծ Ա.Եսենինի բանաստեղծություններից՝ նվիրված մի հայուհու: 28.Գր.Ջոհրայի նովելներից: 29.Բառ, որին դիմում է խոսողը: 30.Թնդալ բայի խոնարհված ձևերից: 31.Պարագայի տեսակ: 33.Անուղղակի խնդրի տեսակ: 35.Չայնարկություն: 36.Սայաթ-Նովայի կինը: 37.Շիրվանզադե «Մորզամի ...»: 39.Հայ դասական գրող: 40.Ստ.Ջորյանի պատմավեպերից: 41.Յերոսուհի «Պատվի համար» դրամայում:

ՈՒՂԱՆՅԱՆ. 1.Ածանցավոր բայի տեսակ: 2.Կետադրական նշան: 3.Ավ.Բակունցի «... փողը» պատմվածքը: 4.Պ.Սեւակի «... մտերմություն» շարքը: 5.... դերբայական դարձված: 6.Գործնական գրության ձևերից: 9.Մխիթարյան միաբանության դպրոց (... վարժարան 1834 թ.): 14. ... գրականություն: 16.Տարրական դասարանների «Մայրենի» դասագրքի հեղինակ Աճժել ...: 17.... բայեր: 18.Չեռաբայ: 20.Ավ.Ծատուրյանի բանաստեղծություններից: 22.Յերոսուհի Շահան Շահնուրի «Նահանջ առանց երգի» վիպակում: 25.Բայի եղանակներից: 26.Արեւմտահայ մեծանուն երգիծաբան: 27.Նար-Դոսի նովելներից («Մեր թաղը»): 32.Մեծանուն հայագետ, լեզվաբան Հրաչյա ...: 34.Յերոսուհի Ստ.Ջորյանի «Խնձորի այգին» պատմվածքում: 35.Արեւմտահայ գրող: 36.Բարդ բառերի տեսակներից:

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ
ՀՈՐԻՉՈՆԱԿԱՆ. 7.Տիխոնով: 9.Ոլորտ: 10.Ֆիլմ: 11.Դեկլոտե: 13.Սիմոն: 16.Մեջ: 17.Արտ: 19.Միլկի: 22.Սատար: 24.Տաթևիկ: 25.Բալի: 27.Մարաբու: 29.Բեռնար: 32.Ավելի: 33.Լիտավր: 35.Չլուտ: 38.ճոն: 40.Սիեռա: 41.Փշատ: 44.Աթոս: 47.Ուրո: 48.Սոյա: 50.Ատամն: 51.Հրո: 52.Ուս: 53.Ռաջ: 54.Չեմ: 55.Վերտ:
ՈՒՂԱՆՅԱՆ. 1.Գիտեն: 2.Քորոց: 3.Կոֆտա: 4.Հոմս: 5.Հողմ: 6.Ատեն: 8.Վիերի: 12.Կեղտ: 14.Գիթ: 15.Ոսկի: 18.Կրաք: 19.Մանել: 20.Լեւան: 21.Իկեր: 23.Աբական: 26.Լուար: 28.Ամիճ: 29.Բել: 30.Ռիչի: 31.Ապուր: 34.Տոյոտա: 36.Լելո: 37.Տապաստ: 39.Յար: 42.Շուն: 43.Տոն: 45.Թառ: 46.Սաջ: 48.Սով: 49.Յուր:

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan@caucasus.net

Գրանցման վկայական № 4 4 - 1439 «ԿՈԼՈՐ» հրատարակչություն

«ВРАСТАН» Тбилиси, Грузия <VRASTAN> Georgia, Tbilisi Индекс 66445